

Aper miserunt, populorum multitudo, illorum opinionibus falsis decepta, pro ueris accepit, quae diu mendaciter & perniciosè ac damnabiliter seminauerunt, eisq; credendo, à recta fide cecidit turba multa, & errore deuiò inuoluitur prohdolorum paganorum, adeo quòd per diueras illarum eisdemque conuincinarum partium climata, oues CHRISTI catholicae haeresiarum ipsi successiue infecerunt, & in stercore mendaciorum fecerunt putrefcere. Quapropter generalis Constantiensis synodus tantam fidelium & fidei orthodoxae plagam & ruinam uidens, exclamare compulsa est cum Augustino: Quid faciet ecclesiae medicina, salutem omnium materna charitate conquirens, tanquam inter phreneticos & lethargicos astuans? nūquid contemnere, nunquid desistere debet uel potest? certe non, secundum eundem, immo utrisque, si necesse est, molesta sit, quae neutris est inimica. Nam & molestus est medicus furenti phrenetico, & pater indisciplinato filio, ille ligando, iste cadendo, sed ambo diligendo. Si autem negligant, & eos perire permittant, (inquit Augustinus) ista mansuetudo potius falsa crudelitas est. Proinde synodus praefata ad omnipotentis dei gloriam, ipsiusque catholicae fidei ac Christianae religionis conseruationem, augmentum & animarum salutem & praeseruationem, eosdem Ioannem Vuicleff & Ioannem Hufz & Hieronymum, qui inter caetera de sacro eucharistiae sacramento, & alijs sacramentis ecclesiae & articulis fidei, aliter quam sancta Romana ecclesia credit & tenet & praedicat & docet, quam plurima temere & damnabiliter credere ac tenere, praedicare atque docere pertinaciter attentabant, ueluti haereticos & pertinaces ac obstinatos iam à communione fidelium separatos, de domo dei corporaliter eiecit, & spiritualiter eiectos declarauit, & alia nonnulla circa praemissa utilia & salubria statuit & decreuit, per quae alij, qui causantibus haeresiarum eorumque falsis doctrinis huiusmodi spiritualiter de uia dei exierunt, per uias canonicas redirentur ad semitas ueritatis. Et quia (sicut dolenter accepimus) non solum in regno Bohemiae & marchionatus dominij & locis supradictis, uerum etiam in quibusdam partibus & prouincijs contigujs seu uicinis eiusdem, etiam nonnulli ex sectatoribus & sequacibus haeresum ac errorum haeresiarum praedictorum, timore diuino & pudore humano profusis abiectis, nec de ipsorum & praesertim Ioannis Hufz & Hieronymi interitu miserabili sumentes conuersionis & poenitentiae fructum, sed tanquam in profundum pressi peccatorum, dominum deum blasphemare non cessant, ducentes in irritum nomen eius, quorum mentes pater mendacis sic damnabiliter excacauit, ut praedictos libros, codices & opuscula, haereses & errores continentes seu continentia, dudum etiam per synodum praefatam damnatos & damnata, ac ignibus concremanda deputata & concremata, legunt, student, ac ex eis in sui & multorum

Csimplicium periculum, nedum contra statuta, decreta & ordinata in synodo supradicta, sed etiam contra canonicas sanctiones dogmatizare praesumunt, in animarum periculum ac puritatis fidei denigrationem & scandalum plurimorum. Nos igitur attendentes quòd error cui non resistitur, approbati uidentur, ac malis & perniciosis erroribus huiusmodi resistere, ac eos de medio Christi fidelium & praesertim de supradictis Bohemiae & Morauiae dominij & districtibus ac confinibus & uicinis eorum, ne amplius & latius se extendant, funditus euellere cupientes, discretionis uestrae sacro approbante concilio Constantiensi per apostolica scripta committimus & mandamus, quatenus uos archiepiscopi & episcopi ac electi, & quilibet uestrum per se seu alium uel alios, quos graues & idoneas personas spirituales iurisdictionem habentes esse uolumus, omnes & singulos, cuiuscunque dignitatis, officij praeminentiae, status uel conditionis existant & quibuscunque nominibus censeantur, qui de praexcesso, salutifero & supermirabili sacramento corporis & sanguinis domini nostri I E S U C H R I S T I, uel de baptismate seu peccatorum confessione, poenitentiae pro peccatis iniunctione, uel reliquis ecclesiasticis sacramentis seu fidei articulis, aliter sentire aut docere, quam sacrosancta Romana ecclesia

Augustinus ad
Felsu epistola
167. Et 23. q. 4.
Quid faciet,

Augustinus
de correptione
Donatistarum
ad Bonifacium
cap. 5. Et 23. q.
4. ipsa pietas

Ioannis 8. 6.